

蕙怡堂驗方總目
三

癰疽門目錄

灸法

又灸法

消腫方

無名腫毒方

又方

又方

發背未成

三生散

李迅蠟礬丸

古方蠟礬丸

治一切癰疽

無名腫毒初起

內消散

真人奪命飲

七葉散

呂祖治發背方

灸蘓湯

塌腫湯

腫香湯

洪寶丹

如意黃金散

保元大成湯

花草湯

發背初起

又方

蟾酥丸

壺公丹

神烟

咬頭方

又咬頭方

化腐紫霞膏

六合回生丹

治諸毒已破者

八寶丹

收口長肉方

歛口生肌方

久遠瘡口不收方

生肌長肉散

生肌膏

珍珠散

黃連消毒飲

對口仙方

又方

肺癰奇方

又方

又方

地羅湯

岐伯養肺去痿湯

玄天散

三真湯

敗毒至聖散

多骨疽方

國老湯

騎馬癰方

立消散

便毒方

千金內消散

會毒散

制火潤尻散

笊篦床頭驗方

黃蛇散

琥珀膏

木蛇毒

蛇瘡

天蛇奇毒

腸癰仙方

無名腫毒

又方

烏龍丹

發背大毒方

對口落頭疽方

手上了枝紅腫方

復元通氣散

治骨沮方

治天蛇頭

發背屢驗方

對口初發方附又方

治兩腮紅腫毒

治風熱腮毒

治搭肩

治搭手

治手足諸瘡等

鐵箍散

石灰散

諸瘡毒不收口

治瘡毒初愈努肉脹

治一切腫毒

蕙怡堂經驗方卷三

會稽陳大縉魯齋甫手集

男光耀雨民氏增訂

癰疽門

灸法 治一切癰疽惡瘡初起宜早灸為妙

凡人初覺發背欲結未結赤腫焮痛以濕紙覆其上先乾處即頭也獨頭大蒜切片安頭上以艾灸之三壯一換痛者灸至不痛乃毒氣散也不痛者灸至痛時方住壞肉不痛灸至痛則肉活矣陰毒不痛灸至痛則變陽若有十數頭研蒜作餅鋪頭上聚艾于餅上灸之不可太烈若初發赤腫一片中間有黃粟米頭子便用蒜片安頭上灸十四壯或四十九壯便毒氣外出否則內傷五臟或曰灸法固佳但頭項上毒似不宜用然東垣用此法治腦疽大約頭毒灸之痛者艾炷似

宜小如椒粒壯數宜少若不痛者即大炷多壯亦無妨也

又灸法 此物以麻油調敷血熱血虛瘡疥神效

萬年冰一塊水洗淨為末陽毒以童便和成一餅陰毒以酒和成一餅量毒大小蓋上約厚五分以大艾火灸之不論壯數痛則灸至不痛不痛灸至痛屢效

消腫方 治諸腫毒無治頂后側少陽經中疔瘡不辨肉色不

間大小日月深遠或赤硬腫痛並效

生山藥一塊去皮草麻子一粒研勻推貼之

無名腫毒方

當歸

八錢

生黃芪

五錢

甘草

八錢

金銀花

五錢

黃酒煎服二帖即愈

又方

五倍子炒研末用醋攤成膏貼之
加百草霜更妙

又方

鮮山藥搗成泥敷之卽效
或蘿卜菜搗碎敷之熟則換亦
效

發背腫毒未成

活蝦蟆一個按札瘡上小半日蝦蟆必昏憤置水中救活之
再換一個如前法蝦蟆少困又換之如舊則毒散矣累效
若瘡勢重者看瘡大小或一個或數個破開連肚覆瘡上少
頃則必臭不可聞再易二三次即愈慎勿以賤易忽之

三生散
治諸毒大痛不辨肉色漫腫光滿名附骨癰宜速服
之

蜂房
蛇退
頭髮各等分共煨存性爲末酒下三錢

李迅蠟礬丸

凡病瘰癧發背不問老少皆宜服蠟礬丸服至

一兩以上無不取笑效最能止疼痛不動臟腑活人不可勝數

明亮白礬一兩生研以好黃蠟七錢溶化和丸桐子大每服

十丸漸加至二十丸熟水送下如未破則內消已破即便合

如服金石發瘡者以白礬末二匙溫酒調下亦三五服見效

有人遍身生瘡狀如蛇頭服此亦效諸瘡俱稱奇效但一日

中服近百粒則有力此藥非惟止痛生肌能防毒氣內攻護

膜止瀉托裏化膿之功甚大服至半斤尤妙

古方蠟丸

治瘰癧肺瘰癧臟毒腸瘰癧痔漏服之固臟腑斂肌

肉止痛消毒托裏散膿若潰后服此長肉收口

黃蠟

明礬

乳香

沒藥

雄黃

各四兩

將蠟溶化離火待溫入各末和勻丸梧子大食前溫酒下二

三十九日三服

治一切癰疽 不問虛實寒熱治之皆愈有死血陰毒在中則
不痛敷之即痛有憂怒等氣所攻則痛不可忍或蘊熱偏人
手敷之則即清涼或氣虛冷潰而不斂敷之即斂

遠志

米泔浸洗去
心為末

每服三錢溫酒二盞煎一盞澄清服渣

敷患處

無名腫毒初起

用核桃壳半個以大蒜搗爛填滿以黃紙封口蓋在患處用
大艾丸放壳上灸七壯灸三五次即消

內消散

治一切腫毒

貝母

知母

金銀花

白芨

半夏

薑製

穿山甲

炒

角刺

乳香

去油赤芍

生甘

萬年青

花粉

各一錢

右藥酒水各一碗煎八分隨病上下飢飽服渣不再煎搗爛加芙蓉葉末一兩蜜五匙全敷患處一宿自消重者再服一劑必效

真人奪命飲 治一切癰疽疔腫不問陰陽虛實善惡腫潰大痛或不痛但當服于未潰之先與初潰之際如毒已失潰不可服其功甚捷真仙方也

金銀花 三錢

歸尾 一錢五分

陳皮 一錢五分

角刺 五分

炒 五分

土貝 七分

防風 七分

白芷 一錢

赤芍 一錢

滴乳 一錢

沒藥 五分

甘草 一錢

花粉 一錢

山甲 三片

炒

用水煎好加酒一盃空心熟服能飲者服後再飲三五杯渣再煎服在背俞倍皂角刺在腹膜倍白芷在胸次加瓜蒌仁二錢在四肢倍金銀花服之神效

七葉散 治熱毒

大葉浮萍 芙蓉葉 粿 槐 桑 柳 桃 各葉等分

入鹽少許蜜少許搗爛敷患處即消

呂祖治發背方

枯婁五個取子 乳香五塊如棗大二味共研末以白蜜一斤全

熬膏每服三錢溫酒下

炙蘓湯

生芪三錢五分 連翹三錢去心 藁本 生甘草 羌活

黃芪柏各一錢五分 黃芩 知母酒洗 生地酒洗

澤瀉 桔梗各一錢 歸身二錢 防風 獨活

黃連炒 人參 陳皮 參稍 甘草稍

蘓水 歸尾 防已各五分

右廿二味每劑一兩水煎去渣入酒少許溫服 凡瘡不
過陰中之陽陽中之陰而已此湯陽藥七分陰藥三分斟
酌極妙毒名雖異療則一也醫者萬無一失 如飲食不
加加枳壳 如疔瘡加萬年青 如痛加乳香沒藥 如
疳加車前子木通竹葉灯心如咳嗽加半夏五味子 如
渴加麥冬花粉 大黃大便不通加 小便不通加車前
子梔子

塌腫湯 治一切惡瘡發背癰疽疔瘡疼痛不可忍者或瘡毒
入內神思昏倦嘔吐者未成即消已成即潰不假砭蝕惡毒
自下又治跌打損傷筋骨疼痛婦人產後肚痛惡露不快赤
白帶下等症

黃芪 白芍 川芎 當歸 陳皮 甘草 麻黃 去節各
二兩

人參 乳香炙 沒藥各五錢炙 鸚粟壳去頂蒂及筋蜜炙二兩

右剉為片每服一兩五錢或二兩水煎出溫服凡瘡科能專守此方未有不獲全功者

。腫香湯 治一切無名腫毒淡紅不赤堅硬不甚起者此係陰症非此藥不能治也 常治下焦癰毒骨疽

當歸一兩 芍藥 甘草炙 牛膝 川芎 黃芪各三錢

木香五分 乳香炙 沒藥各一錢炙 金銀花六錢 水二大碗煎服

洪寶丹

花粉三兩 姜黃 赤芍 白芷各一兩

右藥為末陽毒用蜜或茶汁調敷患處留頭陰毒酒敷留頭湯火傷鷄子青麻油調敷金瘡流血不止留出傷處四圍用麻油調敷可以止血

如意黃金散

治癰疽發背疔腫乳癰丹毒跌撲損傷濕痰流注大頭時症
漆瘡火丹風熱天泡肌膚赤腫乾濕脚氣及一切頑惡腫毒
隨用輒效

花粉

上白者
十兩

大黃

黃柏

色重
者

姜黃

各五
兩

白芷

三兩

紫厚樸

陳皮

甘草

蒼朮

南星

各二
兩

共為細末磁器收貯勿泄氣凡遇紅赤腫痛發熱未成膿
者及夏月火令時俱用茶清全蜜調敷如微熱微腫及
大瘡已成欲作膿者用葱湯全蜜調敷如慢腫無頭皮
色不變濕痰流毒附骨癰疽鶴膝風用葱酒煎湯敷如
風熱惡毒肌膚亢熱紅色光亮形狀遊走不定蜜水調敷
天泡火丹赤遊丹黃水漆瘡惡血攻注等症用大藍根

葉搗汁調敷加蜜亦可 湯泡火燒皮爛麻油調搽

保元大成湯

治潰瘍元氣素虛精神怯弱或膿水出多神無所主睡眠昏
倦六脉虛細足冷身涼便溏或閉胸膈不寬舌少津液口食
無味瘡弦不緊肉色微紅一切不足之症

人參

白朮

黃芪 炙各二錢 茯苓

白芍

陳皮

歸身

附子製

炙甘

炙肉

五味子

各一錢

木香

砂仁 各五分 煨姜 去皮三片 大棗 三枚

水煎空服服至精神回手足煖脾胃醒肉色紅為度數症
乃元氣虛脫欲變壞症非此不能回陽也 或潰瘍發熱
或惡寒或作痛或膿多或膿清或自汗盜汗遍身流注瘰
癧便毒諸瘡久不作膿或膿成不潰潰而不斂服十全大

補湯若元氣不足結腫未成膿者加陳皮半夏香附連翹服之自消

花草湯 治癰疽初起

生甘五錢 金銀花三兩 當歸一兩 元參五錢 花粉二錢

白礬一錢 附子一片

水煎服初起一服即消腫起者二服即消

發背初起 此方活人已多未潰者微出黃水既潰者能收口

穿山甲四片 牛皮膠四兩

新瓦上燒灰研細和勻從容服完永無大患外用牛皮膠少加姜汁水熬如稀糊以布攤貼極妙或筆蘸塗周圍乾則再塗

又方